



наведи телефон

Лүимә СЭрипос

23.11.2023
№ 22 (1304)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru



**Ты
номерт
ловиньтѳн:**

Љнѳ мѳв мѳхумн
пѳмщалаве

▶ 3

Агит-пыгыт
касункве
ханищтыянѳ

▶ 5

Сыстам тѳпын
мѳт янмалтан
сѳлыквет

▶ 6

Сѳлынколт
яныгмам
нѳврамыт

▶ 10-11

Мѳн мѳ-витув сака
нѳтнѳ!

▶ 13

«Рѳт мѳхум» кол

▶ 16

Ты хурит Ханты-Мансийск ѳсын мѳнъщи нѳ Анастасия Георгиевна Федий пѳслым ѳлы. Кѳсын тѳл яныг таквс ѳтпос 4 хѳталѳт Россия янытыл ѳлнѳ мир День народного единства ялпын хѳтал янытлыяныл, культура щирыл рѳпитан мѳхум сѳвсыр тѳлат щѳпитѳлѳгыт. Ань тынакт Ханты-Мансийск ѳс мир хумус мѳйлысыт, ты урыл 8-9 лѳпсыгт ловиньтѳн.

Үс мир кит хөтәл мүйлысыт

Ты эппост Ханты-Мансийск үст «Югратур 2023» нампа туристский форум вәрыглавес. Овыл тамле вәрмалы 2001 тәлт блыс, та пәсныл кәсың тәл мәхум тыт атхатыгләгыт, сәвсыр регионитныл ёхталәгыт, сыресыр вәрмалит тәра-паттәгыт. Ты яныг форум округ миркол, развитие Югры фонд ос конгрессно-выставочный центр «Югра-Экспо» щәпитыяныл.



«Ёмас» маснутыт суссылтавет

Ты тәл округ кұщай нә **Наталья Комарова** яныг суссылтап овылтым порат мәхум ёт сымыңыщ пацалахтас ос тамле ләтңыт ләвыс:

– Мән округувт «Югратур» яныг суссылтап XXII щәс вәрсүв. Тыт нән туризм урыл сәв липпи потрыт хунтамләгын, сәв пұмыщ кәсаләгын, тәра-паттәгын. Тыт тамле тәла ань мины, тав ләваве «II Всероссийский конкурс в сфере этнографического туризма». Ты вәрмалин мәхманув Россия 16 регионитныл 73 рұпата кәтсыт. «Югра-Экспо» яныг колт 99 суссылтапыт щәпитым өләгыт.

Та урыл иң ләвуңкве эри, мән округув тур-операторыт Китайский Народный Республика ёт соглашение-нәпакт кәтпос пинсыт, туризм тәлат щирыл мәхум виза-

нәпак тәл тәнки халанылт мүйлуңкве ялантаңкве вәрмәгыт.

Росстатыт ловиньтавес, 2023 тәлт онтолов эппос сыс округувн сәвнув мүй хөтпат ёхталаңкве патсыт, ты щисла 25% сәвнуг өлы. Мөлты тәл аквты эппосыт сыс мощчанув хөтпат ёхталасыт.

Ты форумит сәв мир блыс, това хөтпат ёт мән потыртасүв.

Сургут үст «Югра» хаски-центр рұпиты, тот кұщай нәг **Надежда Лебедева** блы, тав Ханты-Мансийскан әмпанә ёт ёхталас, мәхум щәгтым ты суссылтапын ёхталасыт, суссыт, титыглахтасыт. Мән ос нә рұпататә урыл пұмшалахтасүв:

– **Надежда Сергеевна, «Югра» нампа хаски-центр хунь рұпататә овылтаслын?**



Хаски әмпыт тотыглавёсыт

– 2015 тәлт ты колув рұпитаңкве патыс, мән палтув сәвсыр мүй хөтпат щәмьяныл ёт ёхталәгыт, пуссын әмпың суныл тахсуңкве вәрмәгыт. Няврамытн ты сака пұмыщ. Мән центрув урыл сәв хөтпат вәгыт, мән нас ат үнлахөлэв, сака сәв рұпата бныщәв.

Хөтпанум рұпатаныл эруптыяныл, элальтаңхөв Губернатор грант мәгыс нәпакыт щәпитаңкве, ты урыл ань номсахтәв. Мән палтув сәв хөтпат ёхталәгыт, щәмьят үщлахтын мәгыс ёмас проектит хансуңкве эри. Сургут үс мәгыс мән сәв эрнә вәрмалит вәруңкве таңхөв.

Титыт хөтпа, хотьют ёт мән потыртасүв, тыи **Алёна Варенкова**. Тав Нягань үсныл блы, предприниматель-нә «Лавка ремесленников – подмастерье» нампа ләпкат кұщайг рұпиты. Тав потыртас, хунь ләпкатә рұпитаңкве патыс ос маныр тот тыналәгыт. Тав ётә рұпитан хөтпат кәтыл сәвсыр магнитыт вәрәгыт, пуныл үйхул хурит мәщтырләгыт, төват кәр ёт рұпитәгыт, кәр рәтәгыт. Мәщтыр хөтпат кәтыл вәрум сувенираныл ләпкат тыналавет. Кұщай

нә ос ты урыл потыртас: «Мән предприятивт сәвсыр рұпата бныщәв, мүй хөтпат, хотьютыт Нягань үсн ёхталәгыт, мән палтув аквписыг щалтсәгыт. Тән ётаныл мән ос рұпитәв, мәщтыр хөтпанув ёт тән матыр-әти вәруңкве ханищтахтәгыт.

Мән «Арктический сувенир» нампа Всероссийский конкурсын кәр лөңханьщап кәтсүв, таве «Уринэкваг» намаяслүв ос уринэква хурит вәрыслув, тав хосытә нөхпатсүв.

Хұрум тәл арыгкем ам «Лавка ремесленников – подмастерье» нампа ләпкат кұщайг өләгум, тав «Социальное предпринятие» нам бныщи ос «Креативные индустрии» реестр-нәпакн хасвес. Мән «Сделано в Югре!» нампа пөсыл майвесүв, рұпатав ёмашакв вәрилүв ос Президентский фондит культурных инициатив нампа организацият ос нөхпатсүв.

Алёна Александровна яныг пұмащипа ләвыс Иван Ямашев Нягань үс миркол кұщай хумн, ты хум тәнанылн аквписыг нәты, вәрнә рұпататыл пұмшалахты.

Оксана АЛБИНА

Өлнэ мав махумн пумщалаве

Тынакт Ханты-Мансийск үст блум «Югратур-2023» суссылтапын округ мир коньпал мот хон маныл ёхталам махум атхатыгласыт.

Кит хөтал сус, яныг таквс этпос 10-11 щис-лагёт, ма янытыл яласан тэла тармыл пунктотнэ хөтпат савсыр хөнтхатыглапыт вэрыгласыт – пумщалахтын ос үщ-лахтын мир магыс вэрнэ тэланыл урыл потырта-сыт, конкурсын кётым проект сунсыгласаныл, эрнэ нэпакыт щёпитасыт, студентыт магыс савсыр лекцият ловиньтасыт.

Ты тал «Югра-Экспо» колт 99 колнакыт щёпиталвёсыт, катыл щаквщин махум танти вэрум пормасаныл пасан тармыл тущталасаныл, мирн суссылтасаныл, тыналасаныл. Колнакыт руш щирыл тох намаим олсыт: «Вкус Югры», «Город мастеров», «Прикоснись к Югре» ос мот савсыр намыт.

Ма янытыл яласан тэла тармыл пунктотнэ хөтпат Россият өлнэ 17 областитныл ос республикатныл ёхталасыт, матахмат хөтпа Китайныл олсыт. Округувт рупитан миркол кущаянув ты муй хөтпат ёт 30 савит эрнэ

нэпакыт щёпитасыт, тув катпосаныл пинсаныл, аквьёт рупитаңкве потыртахтасыт.

Конкурсын 73 проект кётыглавёсыт, тән 6 номинацият щирыл уральтавёсыт. Тувыл ты каснэ вэрмаль магыс 25 проект кётыт пёриявёсыт. Тән халанылт хоты тэлат нөх-патсыт, ань элал ты урыл ловиньтән.

«Лучшее этнографическое событие» номинацият Мегион үст өлнэ «Региональный историко-культурный и экологический центр» янытлавес.

«Лучший этнографический маршрут» номинацият округт өлнэ хум Марущак Тарас Петрович проектэ нөх-патсыт.

«Лучшая этнодеревня (община, этностойбище)» номинацият Ямал мат өлнэ «Окружной Дом ремёсел» янытлавес.

«Лучший творческий этнографический номер» тэла палт «Многофунк-



циональный культурный центр «Феникс» Пыть-Ях үст өлнэ Краеведческий музей рупитан махум проектаныл нөх-патсыт.

«Лучший социальный проект в сфере этнографического туризма» номинацият округувт Нягань үст өлнэ «Музейно-культурный центр» янытлавес.

«Лучший этнографический сувенир» тэла палт «Историко-культурный центр «Старый Сургут» өвыл места вис.

Ты махум ос организацият пуссын Лауреат I степени намба нэпакыл ос олнлөмтыл майвёсыт. Касың номинацият II ос III степень Лауреатыт наманыл ос лаввёсыт,

ты урыл нән ищхипың ут хосыт ловиньтаңкве вёрмегбн, ты өвылтыт тот хансым блы.


Тувыл Томский областьт «Муниципальный музей» культура колт рупитан махум янытлавёсыт, ты конкурсыт тән Гран-при намба нэпакыл ос 50 сөтыра олныл майвёсыт.

«Югратур» – ты сака пумыщ суссылтап, ма янытыл яласан тэла пумщалан махум тот маттем та ёмыгтасыт, сунсыглахтасыт. Касың хөтпа тавён рөвнэ йильпи ма тара-паттыс, хашталтэнут арталас, эрнэ пормас ёвтыс.

Светлана
РОМБАНДЕЕВА



Халысныл ёхталам нэ О.К. Филиппова ханищтап вэрыглас



Удмуртия маныл блум нэг А.Р. Глухова ос Т.И. Соловьёва

Няврамытн төрум мәгыс нётнэ хөтпат

Ты йист сәв хөтпа нас нётэгыт, нэматыр олн тыи мәгыс ат выгыт. Няврамыт ханищтан хөтпат өс аквты щирыл нётуңкв өвылтахтасыт, тән рущ ләтңыл тох ләвавет – учителя-волонтеры.

Та этпост юи-өвыл хөталанэт тән Ханты-Мансийск үст акван-атхатыгласыт, ты яныг сапрәнияныл «За доброе обучение» намаим өлыс. Округув сәвсыр яныг үсытныл, пәвлың мәныл атпан арыгтем хөтпа өхталасыт.

Щар сәв хөтпа Урай үсныл өлыс – 19 хөтпа, Хөнтаң районныл – 7 хөтпа, тувыл Нижневартовск үсныл, Октябрьский, Белоярский районтыныл мәхум өхталасыт.

Яныг күщаяныл **Анастасия Александровна Склярова**, нэ Урай үст өлы. Тав та үст колледжит рүпиты, хурум няврам өныщи. Титах тәл ювле хульгум порат тав ты рүпата вәруңкв номылматас – сәв няврамың щәмьят, нуса тотнэ колтәглыт ос мощща олн сәлнэ мәхум няврамынл нётункве эри. Ты рүпата нас төрум мәгыс вос вәрае.

Ты щирыл рүпитаңкве тав этэ сәв хөтпа кәсашас. Тән аны ищхйпың ут хосыт акван-өлтыглавет ос та щирыл халанылт потыртэгыт, хотьют хумус рүпиты, манасөвит няврамытн нөтыс.

Та юи-пәлт Анастасия Склярова «Учитель-волонтер» нампа организация вәрыс. Тавән Мулымья пәвылт өлнэ Мария Николаевна Поткина сака өмащакв нөты. Ты нэ өс сәв тәл школат рүпитас, аны та рүпатаныл пөхан минас, ханищтахтын няврамытн нас нөты.

Аквөт рүпитаңкв өвылтахтаманыл порат, сака тәрвитуң өлыс. Ос матъемас халанылт нөтмил вәрыс, та щирыл аны ты организацияныл сака өмащакв рүпитаңкв патыс, күщайтн тән вәвет, нөтавет.

Ты тув порат тән хурум хөтпат – Анастасия Склярова тит учителяг өт хөнтлын мән ялыс, ЛНР мät өлнэ Лисичанск нампа пәвыл мус тотыглавөсыт. Аны нэ самвитанэ сәгим ты урыл потыртас. Тув тотыманыл порат, тән кәсаласыт, та пәвылт өлнэ колыт, школат, мән няврамыт колыт пуссын хот-сакватым өлэгыт. Хөтал палыт сәвсыр бомбат тән ляпанылт маныгтахтасыт. «Мән хумус лылың тәгыл юв өхтысүв, аты вәглүв», – нэ лүньщим ләвыс.

Аны ос ты форумн Макеевка үсныл акв нэ өхталас, тав тот мән няврамыт колт күщайг рүпиты. Ләвыс, пәвланылт сака мощща хөтпа хуль-



А.А. Склярова ос Е.В. Шумакова

тыс, садикн туп вәтахтем няврам өхталы. Тән кәсың товлыңхәп, вертолёт сүе вәганыл. Хунь түйтхатуңкв эри, сәй мән молях та хәйтэгыт.

Акв нэ **Янина Товт** «нейросеть» нампа йильпи вәрмаль щирыл хумус рүпитаңкв рөви, учителит ханищтасанэ. Тав элалы ос тох ләвыс:

– Нән нәнти өс аква ханищтахтән. Ты йист яныгман няврамыт щар мөтаныт, тән мөт щирыл номсахтым өлэгыт, нән өс аквты щирыл өлән. Няврамыт мәгыс нән юртыг вос өлэгын, тән ләтңаныл хулым рүпитән.

Мән, школат рүпитан хөтпат, тән нупыланыл кантлым сунсэв, аква хультиянүв – тыг ат рөви,

тув ат рөви. Ты щирыл рүпитаңкв щар ат эри.

Ты яныг сапрәнит өлум мәхум халанылт потыртанэныл порат тох ләвсыт: «Мән мөт няврамыт янмалтым рүпитэв, ос мәнти агиянупыганув юн тәнттөныл та өлантэгыт, тәнти тәнүт пәйтэгыт, тәнти школан атхатэгыт, тәнтирот яныгмөгыт. Кос хотьютаныл титыглән, тән халанылт нэмхотьют учителяг рүпитаңкв ат кәсашащи».

Ты сапрәнин сәв күщайт өхталасыт. Округ күщай вәнын нэ Елена Шумакова тот өс өлыс. Тав төва ханищтан хөтпат янытласанэ ос сәв өмас ләтңыл ләвсанэ.

Валентина ХОЗУМОВА



Няврамытн ханищтахтуңкве нөтнэ хөтпат

Хальүст блнэ нэ Елена Васильевна Чумак сав тал школат ныврамыт ханищтан хөтпаг рүпиты. Тав физкультура урок агиришит, пыгришит магсыл вэрыглы. Елена Йошкар-Ола үст Марийский педагогический институтыт ханищтахтас. Такви рупататэ ос щемьятэ урыл ханты нэ тох потыртас:

Агит-пыгыт касуңкве ханищтыянэ

– Ханищтахтуңкве хунь асталасум, ювле Хальүсн эхтысум. Овлэт тренерыг рүпитасум, агит, пыгыт товтыл хайтыгтаңкве ханищтасанум ос савсыр касылын тән этаныл ялантасум. Тонт ныврам ханищтан хөтпат мощца олныл ойтвэсыт, ам кит мят рүпитасум, алпыл школат, йтипалаг – ныврамыт товтыл хайтыгтаңкве ханищтасанум. Ётыл школат рупитаңкве патсум.

Ам амки маниг блмум порат акваг агмыл хартсум, тувыл ман щемьян тагыл Хальүсн олункве вантласув, тонт товтыл хайтуңкве патсум, касылытын ялантасум. Савсыр мят овыл мэстат вуйласум, ётыл хунь касуңкве пойтсум, амки ныврамыт ханищтаңкве патсум.

– Ань ныврамыт касуңкве касасцёгыт?

– Тән касуңкве касасцёгыт, сав агит, пыгыт Хальүст блнэ каснэ колн ялантэгыт, тот ань савсыр секцият рүпитэгыт. Олн ойтункве ат эри, каснэ магсыл эрнэ пормасыл ныврамыт тот ос мивет.

Школавт яныг спортзал оныщев, ныврамыт тот хайтыгтаңкве, поргункве ос савсыр щирыл касуңкве вёрмэгыт. Юи-о выл талыт ман физкультура щирыл агит, пыгыт магсыл ГТО вэрыглэв. Ань касың ныврам тох касуңкве ханищтылүв.

– Ныврамыт физкультуран ялантасуңкве касасцёгыт?

– Төват физкультуран ялантасуңкве шар ат касасцёгыт, ворил-ворил нэвсэгыт. Тувыл сав ныврамытын ГТО щирыл касуңкве тай пумащ. Махум лавэгыт, агиришит, пыгришит ань туп телефон нупыл сунсым ос компьютерт ёнгим үнлэгыт, нэматыр ат таңхэгыт, нэматырыл ат пумсалахтэгыт. Ам номсэгум, ань яныгман ныврамыт хайтыгтаңкве, поргункве ёмашакв вёрмэгыт, ати туп телефонт ёнгэгыт.

– Наң тасавит тал ныврамыт ханищтэгыт, школат рупитаңкве улпыл мусты?

– Школат ам 22 тал рупитэгум, агит, пыгыт ханищтаңкве ану мусты. Тувыл ань сака сав рупата оныщев, төва порат йтипалаг 21 щес порат туп юв эхтэгум.



Е.В. Чумак рутанэ ёт



Е.В. Чумак келумхури

Е.В. Чумак агияге ёт

Савсыр дневник-нэпакыт ос сав мотрүпата вэруңкве лававэв. Таи ёмас, ань учитель-хөтпат найпос, вит, рэг магсыл ойтнэ олнаныл ювле таставет, ос мот савсыр нётмылыл вэравэв.

– Наң щемьянт махманын товтыл хайтыгтаңкве касасцёгыт?

– Мён ойкамэныт кит аги янмалтымён. Алина сат талэ төвлыс, Евгения 13 тал янытыг олы. Агиягум товтыл хайтыгтаңкв ат касасцёг, тән атятэн хольт эргункве эруптэг. Мань агим ййквуңкв ханищтахтуңкве яланты, ущлахтын хөталыт ам

ётум товтыл төва порат ёмыгыт. Яныг агим тувле нупыл тэлатэ шар атим, тав эргункве сака таңхи.

Ам омам Валентина Филипповна Отшамова лёккарыг сав тал рупитас. Такви тав Тэк павылыныл олы. Омам Ханты-Мансийск үст фельдшерыг ханищтахтас, ётыл Хальүс пөхат блнэ савсыр павылкветыт рупитас.

Акв порат ман щемьян тагыл Пугоры павылт олсүв, омав рупитаңкве тув кётыглавес. Тувыл Дёмино павылт пүльница унттувес, ман тув вантласув. Ман щемьят хөт ныврам яныгмасув, омавн акваг лавыглавесув, лёккарыг ханищтахтуңкве вос минэв.

Ань ман пуссын ныврам ханищтан хөтпаг, юристыг, экономистыг рупитэв, нэмхотьют лёккарыг ханищтахтуңкве аты минас. Ман пуссын щемьянув ёт Хальүст тав пөхэт олэв, рупитэв, манки нывраманув янмалтыянүв. Ос манки вэрнэ рупатанув пуссын эруптыянүв.

Людмила ТЕТКИНА

Сыстам тэпың мāt янмалтан сāлыквет

Хальүс районт Саранпāвил совхозт рупитан хōтпат мощертын сāлың мāхум блнэ мāнаныл мус ялнэ пораныл ёмты. Ань тув мус миннэ ёмас лёңх вāраве. Сāвсыр тэланыл овылтыт мāн АО «Саранпаульская оленеводческая компания» нампа колт кўщай хум Зульфар Хамзиевич Кучуков китыгласлўв. Тав тох ювле-лāвыс:



Мāнылат сāлың мāхум

– Ты накт сāлың мāхум сāлыяныл ловиньтан пораныл ёмтыс ос хоты сāлыяныл нёвиль мāгыс мыганыл, таи тāра-паттэгыт. Совхозт рупитан пāвлың мāхум мōт вāрмалит щёпитэгыт, тāн ань я ўлтта тэлы лёңх вāрим яңк пōльтэгыт. Яныг машинал лёңх тах ялыг лаве, аньтўйт осытэ уральтым «Бураныл» яласэгыт. Сāлытнёвлиг вāрнэ мāныл 130 вёрыста палытыт пāвилныл олы. Ты этпост вāt нупыл сāтыт хōталэт тэлы лёңх вāруңкве овылтэгыт.

Саранпāвил сāлың-колыт блнэ вāрмалит сāv нот оньщёгыт, тāн пуссын Югра историян хасвёсыт. Ань тыг мус сāлы ощнэ хōтпат пёс щирыл сāлыяныл сыстам тэпың мāt янмалтыяныл. «Саран-

паульская оленеводческая компания» нампа кол сāлыт янмалтым щар яныг олы. Ты тāl овылтахтам пāсыл, совхозт 13 сōтыра арыгкем сāлы ловиньтахты. Ос тўя сис нёви сāлыт ўнттэгыт, яныг таквс этпост пāсгыт совхоз сāлыт ёт акванловиньтым 20 сōтыраг ёмталы.

Овлэт мāн сāлыт туп нёвиль мāгыс алыгласанўв, ань кит тāl сис нёвиль колбасаг ос тушёнкаг вāрёв. Ты тэнутыт округ янытыл манос хотты элы мāн тотуңкве рōвёгыт, мāнки пāвлың мāхманув ос акваг ёвтэгыт.

Сāвсыр касылытн ты вāрим тэнутанув тув кётыанўв, жури-хōтпатн колбаса ос тушёнка пāнкат ёмщакв уральтавет



Сāлы нёвлиң тэнут тыналэгыт

ос ёмас оцквал мивет. Та щирыл мāн окружной, российский ос мирхал суссылтапытын ялнэв порат сāвнув мāхумн вāвёв ос тэнутанув тāра ёвтает. Тувыл тэнутыт элаль тыналым, мāн сāвнув олн сэлуңкве патсўв, тох ювле ойтнэ арнтав сакати ты холы. Сāлың-колт блнэ щёмьят сāвнув олныл ойтуңкве вёрмианўв.

Мāн нила партия тушёнка пāнкат СВО мāt хōнтлан хум хōтпат палт кётсўв. Ты тэнутув тāнанылн сака мустыс. Мирколың кўщайтн мāн ос нётавёв, тāн хоталь-ати эл тотнэ ос тот тыналан мāt мāнавн лāвияныл, тōнт сāлы нёвлиң тэнутанув āмпарт хоса ат оньщавет. Тувыл мāн сāвсыр пāвлытт манос ўсытыт лāпкаң мāхум ёт потыртахтэв ос нёвлянув тот тыналавет.

Хальүс район миркол пālныл ос ёмщакв нётуңкве патвесўв. Мāн ляпавт блнэ пāвлытыт, ўсытыт нёвиль тыналэв, тувыл нёвлиң тэнутыт вāруңкве тот ос рōви.

Мāн округ мирколың

кўщайт ёт сāлы нёвилл вāрнэ тэнутанув мāгыс акв эрнэ нэпак щёпитэв. Руц щирыл тав «Органическая продукция» лāваве. Совхозт янмалтан ўйхулыт сыстам тэпың мāt оньщавет. Тāн ёмас сāлы тэп тэгыт, сāлың мāхум мā-витув ўргалым олэгыт. Таимāгыс нёвильныл тэнут «знак качества» лāвнэ вāрим пōс хосыт вос вāвет.

Мāн Россия Минсельхоз колн акв лāтың кётуңкве ос таңхёв. Мāн сāv ўйхул ощнэ мāгыс ос сāлыт элаль сāvмалтан мāгыс руц щирыл лāвнэ «племенной репродукция» нэпакыл вос мивёв. Тōнт тōва вāрмалянув кўпнитыг блнувыт.

Мōт сыресыр тāрвит тāl, вāим, хунь олэв. Мāхманув сāлы пурнэ ўит ёт капыртэгыт. Ос сākконыт щирыл тāн вōрўй мори пātлуптаңкве ат тāртавет.

Тамле лāтың ты мāнавн Зульфар Кучуков кётыс. Мāн сāлың мāхманувн пўмащипа лāвёв, пуссын пустагыл вос олэгыт.

Тамара МЕРОВА

Лүимә мэхум Санкт-Петербург үст ханищтахтэгыт

Ты накт Санкт-Петербург үст А.И. Герцен нампа университет Лүимә мирыт институтт акв ханищтап вэрыглавес. Руц щирыл тав «Учителя и наставники северян в Герценовском университете» намаим олыс.

Ты кастыл лүиманыл сав мирыт акван-атыглавесыт. Тувыл тот хосат тагыл рүпитан ойка Аркадий Иванович Гашилов 75 талэ товлум магыс янытлавес. Касың ёхталам мүй хөтпа ёмас латың лавыс, товат ищхипың ут хосыт пащалахтасыт ос потыртасыт.

Өвлэт та институтт ханищтахтын агит-пыгыт мэхум элы-палт эргысыт ос «Куринька» ййкв ййквсыт. Тувыл агит ос пыг танки щань латңанылт Аркадий Иванович магыс ёмас латың лавсыт. Тән селькуп, ёрн, ханты, маньщи, вепсы, саами ос нганасан латңытыл пащалахтасыт. Тән халанылт товат маньтагыл щань латңаныл вэгыт, товат ущнув ханищтаңкве патсыт. Тот «Увас хус» эргын-ййквнэ колн тән Зоя Степановна Рябчикова акван-атвёсыт.

Тувыл Софья Александровна Урун, Лүимә мирыт институтт кұщай нэ, А.И. Гашилов намхөталэт янытластэ, яныг кұщайт кетум янытлан пищмат ловиньтасанэ. Акв телеграмма РФ Государственный Дума Федерация сапрани палыл И.С. Неверов хансум, кит янытлан Грамотал кетвес ос ма-



Лүимә мирыт Санкт-Петербург үст ханищтапын акван-атхатыгласыт

гылн тагатан пёсыл мүйлуптавёс, тыи Таймырский Долгано-Ненецкий район Е.В. Вершинин кұщайныл ос В.Н. Шишов депутатныл. Санкт-Петербург үсн Таймыр маныл ёхталам агит-пыгыт Аркадий Иванович палт ханищтахтасыт ос ю минаманыл порат школат ман мөт хотты мят ань рүпитэгыт.

Югра маныл кетым янытлан латың З.С. Рябчикова ловиньтастэ, акв пицца сосса мэхум Ассамблеят кұщай хөтпа Е.Д. Айпиныл олыс, мөтанэ А.С. Сопочина ханты нэныл. Аграфена Семёновна Аркадий Гашилов ёт аквёт ханищтахтаме пора урыл номылматас ос лүимә агит-пыгыт акван-нётхатым ханищтахтынэныл магыс тавен пүмашипа лавыс. Тән институтт аквёт ханты латың ханищтасыг ос тувыл Аркадий Иванович тот селькупский латың ханищтан хөтпаг рүпитанкве хультыс.

Нэпак таратан колт рүпитан хумыг А.В. Бабурин ос С.Ф. Зубов

потыртасыг. Тән лүимә мэхум хансум нэпаканыл таратаңкве акваг нётэг.

Ищхипың ут хосыт «Российский центр освоения Арктики» вэңын кұщай хум Сергей Харючи янытлан латың лавыс. Ты коньпал щань латңыл ляххал тотнэ вэрмалит урыл потыртас. Лүимә мирыт пуссын танки щань латңыл хаснэ газетат таратаңкве таңхёгыт, тувыл тән сосса ныврамыт ханищтахтын школан ос вос кётавет. Тамле газетат сосса мэхумн эрнэ ляххалыт, хултыглан тэлат, савсыр пёс йис накыт мөт мирн вэнэ магыс акваг вос хансавет.

Ёрн мэхумныл Эдуард Яунгад «Ямал – потомкам!» колт пуңкотнэ хум потыртас ос сыресыр газетат, журналыт студентыт магыс тотыс, мүйлуптас.

Таймыр маныл оlnэ мэхум кинан пёслум потраныл суссылтавёсыт. Ань Санкт-Петербург үсн олмыгтам нэ Любовь Попова Таймырныл кетум мүйлупсат А.И. Гашиловн мисанэ ос такви пёслум

хуритэ мүйлуптас. Руц нэ сав тал та лүй ёрт олыс, сосса мэхум пёс накыт нөх-вөрмалтан музееянылт рүпитас, тән олупсаныл ёмщакв пуссын вэганэ, таимэгыс пёслум хуритэ ойка сака мустыс. Мөт хури ханты аги Анна Нахрачёва пёслыс ос мүйлуптас.

Любовь Борисовна Гашилова Аркадий Иванович ойкатэ урыл сав тал аквёт оlnэтэн овылтыт потыртас ос щёмьяң хурит суссылтас. Пүмыш мань кинат Томский областьныл ёхталам мүй нёт тотсыт. Тән танки хансум стиханыл ловиньтасыт. Тувыл хосат тагыл вэнэ нэг Е.Т. Пушкарева, Г.П. Харючи ос школат щань латңыт ханищтан мүй нёт потыртасыт. Ам ханты ос маньщи газетат, журналыт ёт тотыгласум, тув мисанум.

Юи-өвилт институтт ханищтахтын агит-пыгыт «Петуц, Петуц кумие...» эрыг эргысыт ос ощхуль вэрыс.

Тамара МЕРОВА

Сәвсыр мирыт аквьёт моц та ёхсыт

Россияв янытыл блнэ мир мәгыс яныг таквс этпос 4 хөталэ сака ёмас, эрнэ хөталыг блы, ань сәвсыр мирыт акван вос хөнтхатыгләлэгыт, аквьёт вос мүйлэгыт. Мәщтыр хөтпат тәнти вәрум пормасаныл вос суссылтыяныл, нәпак хаснэ хөтпат манос кәтыл хурит пөслын мәхум тәнти тәланыл өвылтыт вос потыртэгыт, ёмас тәланыл мирн вос вәвет.

Ханты-Мансийскыт үс мир ос мүй хөтпат мәгыс сәвсыр хөнтхатыглапыт вәрыглавёсыт. Ты үст блум төва вәрмалит урыл нән ань элалы ловиньтэн.

Государственный библиотека Югры колн та хөтал сыс 570 арыгтем хөтпа ёхталасыт. Няврамыт мәгыс сыре-сыр ханищтапыт щёпитәлвёсыт, 25 колнакытн щалт-суңкве рөвыс. Акв мат пёс пора урыл потыр хүнтлысыт, мөт колнакытн ос сыре-сыр ищхыпың утыт сунсыгласыт. Мәнь хөтпат ос ханищтахтын мәхум «От кольчуги до бронжилета» лекция потыр хүнтлысыт, «Рыцарский турнир» ос «Найди пару» нампа пұмыш ёнгилытыл щёпитәлвёсыт, ёнгалтавёсыт.

Янас колнакт кәтыл хурит пөслын нэ Ольга Мерцалова хуриянэ колнор онтсыл тагталым бл-

сыт. Тав мәньщи супың нэт ос хум хөтпат, хұл алышлан мәхум, пилыт ос мавитув пөслум. Ольга Мерцалова Хулюмсүнт пәвилыт блы, тот яныгмас. Библиотека рупитан хөтпат ләвсыт, ты нэ хуриянэ тән вәтихал суссылтәлыяныл, округ мирн вәвет.

Яныгмам пәвлэт мәньщи мәхум блэгыт, тав тән блупсаныл вәгтэ, янытлытэ, таимәгыс хуриянэт ты пөслыанэ. Тувыл вөрт яныгман пилыт пөслы, «Суйпил» ос «Тәхтпил» нампа нётнэ хурияге вәсагум.

Президентский библиотека центр тармыл пуңкотнэ нэ **Ирина Грохотова** искусстванныл интеллект урыл потыратас. Нэ тох ләвыс:

– Нәпак ловиньтан колн няврамыт акваг щалтсэгыт. Ань ищхыпың ут хосыт сыресыр про-



Мәньщи хум Ерофей Анямов өвылтыт мультфильм



И. Грохотова ищхыпың утыт урыл потырты

граммат блэгыт, та щирыл матыр-әти вәрёгыт. Ты йильпи тәла тай сака пұмщалыяныл – акв хотты нәпакныл потыр-охса выгүв, тувыл ты урыл няврам кәтыл хури пөслы, ос уцты ләвылтам искусстванныл интеллект ут хури бс щёпиты, тувыл таве мән сунсыглаңкве вөрмилүв.

Акв тәла урыл пөслэг кос, ос хурииг әти аквхурипаг. Та искусстванныл интеллект ут молях пөслы кос, ос элумхблас хуритэ номтыл пөслытэ, таимәгыс тав хуритэ сымыңыщтәлы.

Акв колнакт «Невероятные приключения вогула Ерофея Анямова» мультфильм щирыл вәрим кина суссылтавес. Ты



А.Г. Федий



Ф.М. Иштимирова



О.А. Анищук



О. Мерцалова катыл пӧслум хуритэ



Хумыг кӅр толтӅг



Школат ханищтахтын пыгрищит

кина Татьяна Ашуркова тав вӅрыстэ. НӅ лӅвыс, тав библиотекат рупиты, «Шелкопряд» нампa нӅврамыт ханищтап тармыл пуңктоты. МӅньщи хум Ерофей ӧвылтыт кина ань китыт охсатэ ты сусылтыяныл. Тав вӅрт ӧлы, хул алыщлым ос вӅраим яласы, сӅвсыр тӅлат урыл потырты, мӅйтыт мӅйты. Кос нӅврамытн, кос яныгхӧтпатн пӅмыщ, щӅгтым сунсӅгыт, хунтлӅгыт.

МӅ-вит ос Ӕлумхӧлас музейт мӅхум ӧс маттем та мӅйлысыт. КӅсың колнакытт сӅвсыр ханищтапыт щӅпитӅлвӅсыт – нӅврамыт ос яныгхӧтпат кӅтыл сыре-сыр пормасыт вӅрсыт, пӧслысыт, рӅкытныл пӧщгысыт, Ӆргыт хунтлысыт.

Округ сосса мӅхум пормасаныл ӧщнӅ колнакт акв мӅньщи нӅ рупиты – **Анастасия Федий**, тав

тох потыртас:
– Музейт ам китхуйплов тӅл рупитӅгум, тыт ӧлнӅ пормасыт акван-атыянул, ловиньтыянул. Тыхӧтал «Ночь искусств» тӅла ӧлыс, сӅв мӅй хӧтпа Ӆталас. Сосса мир колнакув «Этностиль» намаяслӅв. МӅн мирув ӧвылтыт нӅврамыт ос яныгхӧтпат сака пӅмщалахтӅгыт, тыхӧтал китыглахтын лӅтын сӅв ӧщсыт. Ты музейт мӅньщи ос ханты мир пормас, маснут, алыщлапыт, та маныр сӅв ӧлы. Тыхӧтал мирн тамле ӧщнут сусылтасӅв – мольщан, сахи, нуй сахи, супыт, лӅгыл маснутыт, суныт, хӅпыт ос мӧт пормасыт. Руц ос мӧт хӧн хӧтпат мӅн супанув масыгласыт, пӧслахтасыт, тыт мощ Ӆмыгтасыт.

Старший научный сотрудник рупитан нӅ **Ольга Анищук** ӧс акв-кит лӅтын лӅвыс:

– Тыхӧтал музейн сака сӅв хӧтпа Ӆталасыт. Ӕмас, хунь Ӆлумхӧлас пӅс пора ӧлупсал ос пӅс йис вӅрмалил пӅмщалахты, тӅн нупланыл мӅн щӅгтым потыртӅв, пормасыт суссылтӅв. НомсӅгум, тамле хӧтал тӅн номуңкве патыяныл.

Ты музейт 5 сӧтыра арыг сосса мир пормас ӧньщӅв, тӧва пормасыт ань «Мифологическое время» сусылтапт кӅсалаңкве вӅрмегӅн. МӅн мӅк ялпың хӧталув тай яңк нӅтнӅ Ӆтпост ӧлыг-лӅлы, лӅваве «Ночь музеев». Ань ос нас культура щирыл рупитан мӅхманувн нӅтӅв, таимӅгыс тыхӧтал пӅвил мир ос мӅй хӧтпат мӅгыс музей колув ӅвитӅ пӅлыг та пӅнсыгтаслӅв.

Та ялпың хӧталт «ТӅрум Маа» музей ӅвитӅ ӧс хӧтал палыт пӅлыг ӧлыс.

ХӧталӅят порат сосса мирыт коланыл Ӆнлын ялпың канын школат ханищтахтын нӅврамыт атыглавӅсыт, ӅнгалтавӅсыт, экскурсиял щӅпитӅлвӅсыт. Сып Ӆлы-пӅлт ос кӅр толтын тӅла рупитас, матыр кӅр пормас вӅруңкве кӅсашан хӧтпат тот мощ рӅтащласыт, мӅщтырласыт. ӔтипӅлаг ос Комсомольская Ӆсхулыт Ӆнлын коланылт сӅвсыр хӧнтхатыглапыт, ханищтапыт ӧлсыт, Ӆс мир тот Ӆткотиль мус мӅйлысыт.

МатьӅмас тамле пӅмыщ тӅлат вӅрыглӅлавет, мӅхум Ӆмас номтыл Ӆмыгтасыт, халанылт потрамасыт. Ань та хӧтал ӧлум мӧт сӅв пӅмыщ тӅлат урыл потыртаңкве ат ӅлымасӅв, акв хотты газетат тах ӧс хансӅв.

Светлана РОМБАНДЕЕВА



Школат ханищтахтын Ӆгрищит Ӆнгынугыл суссылтавет



ЮГУТ ханищтахтын пыгыт нӅврамыт Ӆнгалтаңкве нӅтсыт

Сәлыңколт яныгмам нъяврамыт

Мән ань хотты хөтпа ёт потыртанэв порат, тасәвит ёмас тэла та элумхоблас урыл ос тав рүтанэ урыл вәңкве патэв. Насати тав татем та мәщтыр манос яныг щёмя янмалтас. Мәньщи нэ Ирина Герасимовна Канева ёт ам «Мәнь Ёсквет» потыртасум. Тав сәсныл матыр пормас ёнтуңкве ёхталас.

Ирина Герасимовна такви аги бпарищ наме Солянова, атятэ Герасим Яковлевич, оматэ Александра Дмитриевна Соляновыг олсыг. Тән акваг сәлыңколт яласасыт, нъяврамыт пуссын тот яныгмасыт. Ирина тәнти щёмяныл урыл тох потыртас:

– Мән щёмявт сәт

школан тотавёв, тот интернатын оссувлавёв, школат нила класс мус мән мәнь интернатыт олсүв. Юв ялнэ пора мән сака ўрыслүв, омагув-атягув тәл кәсанув холэгыт, та ўрхатэв.

– **Ирина Герасимовна, нанти щёмян, нъяврамытын урыл потыртән. Элалы хөт ханищтахтасын?**



Г. Кондина вәрум хуриг

Ирина Герасимовна мәнь апа ёнтыс



И.Г. Канева, А.Н. Канев нъявраманән ёт

нъяврам самын патсүв: Семён, Клавдия, Яков, Николай, ам, Светлана ос Елена. Ам Саранпавыл пүльницат самын патсум, мән, нъяврамыт, пуссын сәлыңколт яныгмасүв. Омагув-атягув овлёт сәтыт колт рүпитасыг, атят тот пиркатирыг олсы. Ётыл хөтыт пиркатат олсүв. Сәлыңколт яласамувт аномн сака ёмас олсы, тот мән мәнти халувт хайтыгтасүв, ёнгасасүв, мөт щирыл блуңкве ат хәссүв.

Хунь яныггнув ёмтсүв,

– Ам школа асластум, тувыл Тюмень ўсн ханищтахтуңкве минасум, тот тәл охса ханищтахтасум, юв ёхтысум ос воссыг аты ялсум, тыт хум вәрсум, ойкам ос сәлың хум, наме Алексей Николаевич Канев олсы. Мән тәра сәлыңколн минасмән, тот акваг олсумән, мән хөт нъявраманмән пуссын тот яныгмасыт. Тән наманыл Надежда, Владимир, Андрей, Мария, Анна, Николай.

Нъявраманум хунь пуссын ханищтахтуңкве пат-

сыт, мән нәлув олмыгтасмән, пенсия виңкве патсумән. Ань нъявраманум пуссын яныг, тәнти щёмяныт, нъяврамытыт, рүпитэгыт, тыт Саранпавылт олэгыт. Туп акв агим Аннам Ханты-Мансийск ўст пүльницат рүпиты. Тот ханищтахтас ос яныг ўст щёмяныг ёмтыс, тот та хультыс.

Володя яныг пыгум Сүкырәя павылт нәй харыгтан хөтпаг рүпиты. Ам пенсия олн выгум ос мирколт колкан ловтым рүпитэгум. Ты халт ёнсхатуңкве алымёгум, пүркат ёнтэгум, мәньщи супыт амти рүтанумн ёнтэгум. Сэтапыл носкит, пәссат ос сәвсыр маснут сагёгум. Хунь сәлыңколт яласасүв, ам амти мольщаныт, нъярат, вәит ёнтсум. Овлёт сәлы сов ос кот ёмщаквег хот-тынтлуңкве эри, тувыл уц ёнсхатсүв. Сәлы сов маснут тай ам акваг амти ёнтсум, ойкам, нъявраманум мастуңкве эрыс.

Тот тамле рёгың маснут тәл мән ат олсүв.

Сәлыңколт блуңкве аномн сака ёмас олсы, нъяврамыт тәнтирот ёнгасасыт, ам колсори рүпата вәрёгум, ёнсхатэгум, ты мус тәнүт пәйтэгум. Тот күрув хөтал палыт пәлтыглылүв, пүт пәйтахты, исум щәйпүт ўнлы. Этипәлаг хум хөтпат юв ёхтэгыт, тәнаныл тыттыанүв. Та олупса аномн сака эрыс. Тувыл хунь нъяврамыт пуссын ханищтахтуңкве патсыт, тән тәланул кәсум холы, таимәгсыл 2009 тәлт нәлув йисмән. Ойкам ётыл атимыгёмтыс.

Ань агиянум нәмхотьютаныл ам хольтум ат ёнсхаты, аномн тай ты рүпата вәруңкве сымын рөви, ўнлахолэгум, кәтыл матыр вәрёгум, номтут татем ёмасыг ёмты.

Ирина Герасимовна котиль агитэ Мария Саранпавылт ойкатэ ос нъяврамаге ёт олсы. Тав



Мария Валей



М. Валей тәлум хурит

Г.Я. Солянов ос А.Д. Солянова

сәлыңколт рүпитан мähманэ урыл ищхйпың мät савсыр потрыт хансы, тув хурит ос мähн тина охсат вәри, мähумн ловиньтаңкве татем пүмыш, сав емас латың ювле хансэгыт. Тав потре тамле ты:

«Ам 1995 тәлт Саран павылт самын патсум. Опам ос щаскөквaм наманэн Ирина Петровна ос Николай Тимофеевич Каневыг, анөквaм ос ащ-ойкам Герасим Яковлевич ос Александра Дмитриевна олсыт. Тән олманыл порат пуссын сәлыңколт рүпитасыт. Ам Саран-

павылт самын патсум ос омам өт тәра сәлыңколн атямн тотвесмөн. Лөңхыт хөт суве хот-паттыстэ, мөнамөн хультуптастэ ос ювле хәйтталас, суве хөнтыстэ. Хунь ханищтахтасүв, мән тәлы интернатыт олсүв, туй нөрн тотыглавесүв. 2009 тәлт омагүв-әтягүв павылн өхтысыг, атявн тот рүпитанкве тәрвитыг өмтыс.

Ам школа әстламум юи-пәлт Белоярский үст ханищтахтасум, колледж әстламум юи-пәлт юв өхтысум, тыт мирколт рүпитасум. Тувыл элаль ханищтахтуңкве кос номсасум ос Серөжам өт акван-хөнтхатсумөн, аквьөт олмыгтасмөн, тав наме Сергей Петрович Валей. Аньәги-пыгянмалтымөн, наманэн Улякши ос Полина.

«ВКонтакте» ищхйпың лөпс вәрсум, тот сәлың мähманув олнэ урыл хансэгум. Сәлыңколт

ам каңкум, ты атям тав әпшитэ Канев Андрей Николаевич нилыт пиркәтат рүпиты, тувыл амти сасганум, каңканум, әпшичянум тот рүпитэгыт, тәна-нылныл ам хурит, мähн тинат вөвөгум. Нэ хөтпат колсори рүпата вәрнэныл порат хурит вос пөслэгыт, тувыл әнумн төтыяныл.

Тот интернет шар ләшлаквег рүпиты, тән туп «ватсап» хосыт матыр ляххал хансуңкве вөрмөгыт. Тән хурияныл тувыл ам «ВКонтакте» вәриянум, тув потыр-лөмт хансэгум, мähум сав мät сунсыяныл, өщатахтыглэгыт, тамле олупса тән хунь вәщинтасыт. Сәлыңколт рүпитан мähманум әнумн пүмашипа латың төтэгыт, ләвөгыт, матьемас ам сәлың мähум олнэныл урыл номилум, тән ура-нылт хансэгум.

Ты коныпал ам савсыр пөс пормасыт акван-атуңкве патсум. Нөрт яласан нэт пөс порат пуссын тамле тәтапсовыт өщсыт, тав саран ләтңыл ләваве – «куд». Ань тамле тәтап шар пыл нәмхотьют ат өньщи, таимәгсыл ам яныгнув саран экват титыгласум, хумус тав вәрвес, маныр тув пинвес ос хотьют ань тамле тәтап өньщи. Экват щәгтым әнумн потыртасыт».

Мария Валей потре нән тав хаснэ лөпсөт янытэ-тыл ловиньтәлың, ос тот тав сәлың мähманэ урыл хансы - <https://vk.com/club222633572>.

Ирина Герасимовна әгитэ тох хаснэтә мәгсыл номтэ сака емасыг олы, тахольт Мария ты тәрвигыт ос эрнэ олупса, рүпата урыл сав мирн потырты, суссылты, әгирищ такви тот яныгмас ос кәсың вәрмаль өмщакв вәгтэ.

Ирина Герасимовна туй «Мähн Усквен» өхталаме порат сәсныл мähн сән, мähн әпа юнтыс, ләви, тамле пормасыт ущ өвыл щөс вәруңкве вуйхатас. Тавөн ты рүпата хәщтәлыг олыс, ань вәңкве патыстэ, хумус ос хоты порат сәс нуоңкве эри, маныр пормас мәгсыл хоты лөмт әртми. Пил вәтнэ мәгсыл яныг сөвтыт юнтуңкве тах паты. Номитэ, хумус тән мähн порат сөвтыл пил вәтсыт, пәйп өщсыт.

Мähнщи нәквен ос тав щөмьятэн мән пүстәгыл олнэ латың төтөв, әгиянэ тав хольтэ юнсхатуңкве вос ханищтахтэгыт, пөс йис мähнщи вәрмалит хот-өрувлаңкве ат эрөгыт.



А.Н. Канев Вова пыге өт



Саран ләтңыл ты тәтап ләваве – «куд»

Галина КОНДИНА

Пещер павылт олум вәрмалы

Няхщамвөль павылт пүпкол блыс, тувыл ләкква-патыс. Советский власть порат хотют пүпыг олсыт, нявлаланкве патвёсыт, тән пуссын ләңхаль тотвёсыт, рүтаныл бс порславёсыт. Няхщамвөль пүп хөтпа сутытаңкве хотталь тотвес, кит пүп агирициг хот-түйтхатсыг. Сөрниянэн лапаяптаңкве, олнанэн виңкве, иконанэн пуссын акван-атуңкве алымасыг.

Тонт мэхум Нёрахи Пещер павлыг лавыгласаныл. Мәньшит ос руцит тот олсыт. Пещер павылт акв матум мәньши ойка блыс. Тав ётэ ты агииг хотмуссыр румалахтасыг, потыртахтасыг.

Тавән лавсыг:


– Мёнамён хота вөрна түйтэлына ос нэмхотютн ул лавен лай. Мёнамён кол рёг матыр колхусап вәрен, колпал вәрен лай. Мён тах алавемён, ләңхаль тотавемён. Наңын олныл нётыламён, мёнамён тәнүт тотэн, ульов щёпитэн, мёнамён нётэгың ке, ойтхатимён, тох хунь.

Ойка сәртын такви палтэ турман порат тотсаге, түйтыгласаге. Тән тав палтэ олсыг. Павыл мэхум олэгыт, рүпитэгыт, та порат колхоз ушты бвылтахты, вәраве. Ань я тапәлт мәнь ят олэгыт, Хулюмхул яг лававет. Ошца яришит яныг ульпа шахыл блы. Ань Пещер мэхум тот вораёгыт, та яныг ульпа шахыл ур пөхыт мины ос ты кёлыг котильт ульпа шахыл блы. Пөханэ мувал витың, тувыл нэмхотталь ат мины. Мәньши ойка тамле мят тәнәтэн норкол үнттыс. Мәнь кёркур тув хартыс, тотыс, манарас, алмтахтас. Хәпыл алгал минуңкве эри, тувыл кёлы хосыт ёмуңкве хурмаккөм вёрыста. Тот пүп агирициг колыл үнттысаге. Пүп агирициг тав ульовылы щёпитыяге та

маныр. Павлың мэхманэ ат муставе, хоталь та ойка яланты. Мэхум пуссын тыт ёмыгтэгыт, вөрн пил кинсым, вораим ялантэгыт, та порат ләңын пәтлуптэгыт. Хоталь ойка яланты, мэхумн тэла атим.

Пүп агииг хот-устувёсыг, кинсавёг. Павлың мир пуссын лаввёсыт:

– Ам сар Няхщамвөль



Няхщамвөль павылт пүпкол пёс порат

– Мүстэгың ке, хөт пүп агирициг олэг, ёхтэг ке, кәсалылың ке, мәнәвн палямтахтэн, тәнәтэн пу-вуңкве эри. Лавегың ке, хөт түйтхатэг, мүйлупсал ос олныл ойтхатэв.

Мәньши ойка аквта щирыл агииг палт яланты, олныл миве, коласыл тотыяге, мөйтакыл, мөт пор-масыл ёвтыяге. Щёлың агирициг сөрни бньщёг, олн бньщёг. Төрүм нупыл суснэ ййвыт бньщёг.

Аквмат порат ойка тох ялым, та мустувес, Нёрахит Бурмантов Венька блыс, тав аще – Кирилл ойка.

Мэхум тамле вәрмалиг

лаввёсыт, палямтахтэгың ке, сав олныл ойтавөн. Ты ойкарищ мәньши хөтпа тәра-паттыстэ тав юи-пәлэт койхатуңкве. Хоталь мәньши ойка акваг пәгле яныг хургың тәгыл яланты, писалиң тәгыл та маныр. Тувыл тұлма-хыг түйтыглахтым, юил мәньши ойка та койвес, хоталь ёми, тәра та паттыстэ. Тувле ляпаннүв ёхтыс, ульпа шахылт посым нэгли, агирициг посымтахтэг. Мәньши ойка хоталь яланты, тыи та торгамтахтас. Молям-тахтым павылна ёхтыгпас, экван лавыс:

Мощ олсыт, моторхәп суйты, пүп агииг та ёх-тувёсыг. Мәньши ойка насскәсыг та пуввес, хот-таль ләңхаль сутытаңкве тотвес, та алвес. Та пүп агирициг та пуввесыг.

Палямтахтам ойка олныл майвес, матарыл мүйлуптавес. Агирициг ләңхаль та тотавёг. Та порат пёс моторыт, ләглыл ёмасан моторыт. Ань тамле утыл ләңхаль та тотавёг. Кәтагён акван-нэгвёсыг, нэмхотталь ул вос оёг. Сәртын тән элы-пәлт үргалан акв хөтпа хәпт үнлы, тән юи-пәлэнт акв элумхөлас ос моторист-хум, тащир миңасыт.

Хулюмсүнт элы-пәлт атахкөм вёрыста ялпың я сүнт блы. Яныг вит порат пүп агииг тотавёг. Ты ялпың я сүнт мус ты ёхтэгыт, агирициг матарыл та восыгхатэг. Моторист лавыс:

– Агииг акван та хүтэг, та восыгхатэг. Ләглагён матарён хартыгләг, та манарёг.

Ялпың я сүнт мус ты ёхтысыт. Агииг пёщ ёри лайхатсыг, ләглагётныл туясахтасыг, сас витн та патсыг. Моторе элаль та миңас. Моторе тай тамле, ёл-пөилттаве, хәпе ювле ёңхтаве ос элаль хасум-таве. Агииг ёл та щалтсыг. Та порат яныг вит, такос кисвёсыг, манаравёсыг. Ётыл туп мәнь вит порат хөнтвёсыг, кәтагён акван-нэгимаг.

Мэхум ань мус тот яла-сэгыт. Яныгпәла хөтпат, хотют ты вәрмалы вәгыт, мәньлат мэхум нупыл потыртэгыт. Тот миннэ порат олнкөр пәхвтэв, пүп агирициг порслым мят. Ань ты мус ялпың я сүн-тыг ты лававе.

Татьяна Семёновна Тасманова потре нәпакн Людмила ТЕТКИНА хансыстэ

МĀн мĀ-витув сака нётнэ!



Г.П. Самбиндалова сорт пувыс

Галина Петровна Самбиндалова ёт мён 1990 тĀлыт пĀсныл вĀйхатуңкве патсумён, тонт тав Ягрим пĀвылт пыгаге ёт ылыс, рўпитас. Тав яныгмам пĀвлэ – Алы-Няхлың пĀвыл. Ань, хосат тĀгыл, нэ Няхщамвобльт ылы. Ты хотал мус кĀсың тĀл такви пĀвлэн ялантĀлы.

Номилум, акв щёс мён тав ётэ Хулюмсўнт пĀвылт мĀнь терхĀприщин тĀлсумён, тит мĀнь «Ветерок» моторыг хĀпын тагатасмён, ТĀгт пĀвылт титсĀт вёрыста палытын та минмыгтасмён. Тонт тĀланмён яныг ат олсыт, таимĀгыс нэматарныл ат хурахласмён, ульпаң мĀт пĀкв атсумён, карыс сўйт сўйпил вĀтсумён, тыхал нясыл хўл алышласмён. Лёхмёнт руц эргыт эргысамён, турман эт котилыт Алы-Няхлың уц ёхтысамён. Тот олнэ хотпан ты кос эт хўлуңкве лĀвсавесмён, ат кĀсашасмён. Элаль минмыгтамумёнт, мощ пилуптавесмён...

Ты потыр та урыл номылматаслум, Галина Петровна сака тĀксар хотпа, нэматарыл ат пилы, вĀруңкве тахмаям вĀрмалянэ пуссын ёмасыг тĀлэгыт. Потрум тав

лильпи вĀрмале урыл паты – туризм урыл. Ты тĀлан нэ 2014 тĀлт вуйхатас. Тонт тав пыге, Александре, предпринимателиг патхатас, ТĀгт я хосыт туристат тотыглаңкве тахмаяс. Галина Петровна Тимофей Константинович Самбиндалов ойкатэ ёт та тĀл пĀсныл туристат ёт рўпитанэ таңкве патсбĀг. СĀртын



Т.К. Самбиндалов мўй хумыг ёт

ты мĀхум мĀгыс тĀн хĀпыт, палаткат, хуйнэ хўргыт, ĀнысĀныт, я хосыт ялнэ рёгың маснутыт ёвтсыт. СаранхĀпылт мĀхум Алы-Няхлың пĀвылт, тованакт Воблиң-ян тотыглаңкве патсаныл. Ёхталан мĀхум, ты сĀвыңпĀлэ хум хотпат, хўл няслуңкве Челябинсканыл, Екатеринбургныл, Тюменьныл, Нижний Тагилныл тыхотал мус ёхталэгыт. Тованыл ёт татем юрщхатасыт, кĀсың тĀл тĀн Няхщамвобльн Самбиндаловыг палт ёхталэгыт.

Ты тĀлыт сыс иң мот мĀн хўл няслын хотпат тотыглавет, ТĀгт я хосыт алгаль лёңханыл ыс ылыгы. Мўйлын мĀхум ань ЯныгпĀвылт тĀра МĀньясўнт пĀвылт тотыглавет, тавыл ос Няхс я хосыт яныгсĀт вёрыстан алгаль ялантэгыт.

Ань акв-тит лĀтың туризм урыл хансэв. Та хотпат, хотьютыт ТĀгт ян минуңкве тахмаёгыт, Галина Петровнан свонитэгыт, тав тĀнанылн товлыңхĀпын билетыт ёвты. Хотьют лёңхаль минуңкве кĀсаци, тĀнанылн Советский ўсныл Хулюмсўнт мус билетыт ёвтавет, тот

Тимофей Константинович ос Александр мĀхум ўрияныл ос лёңхаль тотыяныл. Хотьют алгаль минуңкве таңхи, тĀнанылн билетыт Няхщамвобль мус ёвтавет. СĀт хотталын мĀхум ўщлахтуңкве тотыглавет, сĀт хотал сыс ялнэ тынэ – хус сotyра солкови. ТĀнут ос хўл алышлапыт кĀсың турист таквинĀтэн такви тоты. Ёщлахтын мĀт мĀхум палаткатыт олэгыт.

МĀн Галина Петровна титыгласлўв, тĀрвитың ман Āти ты рўпата вĀруңкве. Тав лĀвыс: «МĀнавн ты рўпата вĀруңкве пўмциг ылы. СĀв мир ёт вĀйхатэв, сĀв юрт ыньщёв. Туристатн ёмас ўщлахтын мĀгыс Няхлың пĀвылт мĀн лильпи пувлынкол ос тĀнут пĀйтнэ кол ўнттысўв, тувыл ос яныг саранхĀп вĀрылтасўв.

КĀсың хотпан, хунь ювле минмыгтэгыт, мўйлупса щёпитэв, нёлыг лёг (сэмыл Āхвтаc) ман сĀккар ёт пĀйтым морых мыгўв. МĀхум, мĀ-витыт ўщлахтаманыл мĀгыс, сĀв ёмас лĀтың лĀвёгыт, элаль ыс ёхталаңкве таңхёгыт. Ёхталэгыт. Туристаг олуңкве, улпыл, ыс сака пўмыщ, тĀн хунь няслэгыт, хўл те пувёгыт, пёслахтэгыт, тувыл хўланыл акв ювле, ян, тĀратыяныл. Ты урыл номтум сака ёмас. Ёхталэн мĀн палтув, мĀн мĀ-витанув сака нётнэ!»

МĀн ос лĀвёв: «Ятил Галина Петровна! МĀн миранув мĀгыс тамле хащтĀлнув вĀрмалин – туризман, нĀнан ос нĀн палтын ёхталан хотпатн щĀгт вос тоты!»

Катыл пөслаңкв хәснэ хөтпа

Кәсың хөтпа матыр вәрнэ сым-олн ке бньщи, кос хунь кұм хөнты такви мӓгсылэ матыр вӓруңкв: щаквщин хөтпа – щаквщи, юнтнэ хөтпа – юнты, сагнэ хөтпа – саги, пөслан хөтпа – пөслы, матыр йильпи пищ ханищтан хөтпа – ханищтахты.



Л.Н. Туганова В.И. Черенко омазэ ёт

Хулјумсүнт пӓвилт ДК «Фортуна» клуб колт кӓтыл пөслым хурит суссылтап ӓлы. Ты хурит **Лариса Николаевна Туганова** пөслас. Тав мӓнь тӓгыл ты пӓвилт ӓлы, тыт яныгмас, ханищтахтас, тыт рүпиты, ащӓге-щӓняге, ащӓтитэ тыт ӓлӓгыт. Лариса школат ханищтахтаме пӓсыл акваг пөслаңкв кӓсащас. Таимӓгыс школа асламе юи-пӓлт тав Югорск үст художественный училищет ханищтахтас.

Ам тав ётэ потыртан мӓгыс хөнтхатыгласум, Лариса лӓви:

– Художник – тый кос маныр кӓтыл вӓруңкв хәснэ хөтпа. Ам омам ӓс матыр-ӓти вӓруңкв пуссын хӓсы: сӓвсыр пальсакыт, олынкасыт сакыл харты, сӓтапыл саги... Ам мӓлтынув акваг

Тувылакв ты ищхйпың ут тӓра ӓс мӓт сӓвсыр пищит ӓлӓгыт, тыт и ёвт хатуңкв рӓви: манхурип ӓльп, кос маныр – пуссын пӓсылка щирыл хасылтаңкв рӓви. Ты вӓрмаль анузн сака мұсты. Ам ань юи-ӓвил кит тӓл акрил ӓльпыл пӓслӓгум. Ты ӓльп вӓиң ӓлюпныл моляхнув тӓсы. Ӗс акв йильпи пӓслан вӓрмаль ханищтасум: ты штапыл пӓслан вӓрмаль. Тыт ам ӓвлӓт штамп вӓрӓгум, тамле рӓщинка поталы ӓрнэ щирыл ӓргашлылум, тувыл таве ӓльпыл сартумтӓнтыл пӓслан мӓн понюмтӓнтылум. Тамле пӓслан вӓрмаль ам мӓт-пал хӓның ӓкваныл суссум, наме Сьюзен Дэвис. Ӕлнаң номсӓгум, ӓрың лүймӓ ӓр мӓхум урыл тыщир пӓслаңкв патӓгум. Ты урыл ӓмцакв номсахтуңкв ӓри. Флюит-арт щирыл ӓс пӓслӓгум, тыт ӓс ӓльп щурмаптылын пӓслан мӓн, тувыл ӓтыт тӓслан феныл ӓрнэ щирыл лӓккв-пувлылын, ӓс нӓтнӓг тӓлы. Ань щӓпитам суссылтапумт ам йильпи щирыл пӓслан вӓрмаль суссылтӓгум.

Выставка пұнсым хӓталт сӓв хөтпа ӓхталас. Тыт мӓхум Лариса Николаевна суссылтавӓсыт, Ӕлумхӓласн хумыс сӓвсыр ӓльпыт акваг тӓлыгтаңкв рӓвӓгыт. Ӗс суссылтас, хумыс вильт тармыл пӓслаңкв рӓви. Ань ты вӓрмалил мӓнь ағит пұм-щалахтӓгыт.

Лариса такви сака кӓсащи матыр хорамтаңкв. Тав ӓс тамле мӓт рүпиты, художественный оформителиг ӓлы, хунь матыр янытлан хӓталман мұйлын хӓтал ӓмты, «Фортуна» колт сценатэ тав хорамтытэ. Тувыл ос нӓврамыт ӓтматыр вӓруңквешколан яланты, тӓва порат нас открыкват нӓврамыт ӓт пӓслӓгыт. Акваматӓрт аканит вӓрыглас – тӓра лӓккв-атлыгтавӓсыт.

Тамле ты кӓркама мӓщтыр хөтпа Хулјумсүнт пӓвилт ӓлы. Нас ат ӓлы, акваг матыр-ӓти йильпи матыр ханищты, нӓврамыт ӓс ханищтыянэ. Пус кӓт, пус лӓгыл тавӓн! Сӓтың хӓтал ос йильпи номт ты хөтпан лӓвӓв.

Анна АЛГАДЬЕВА



Сӓлы нӓтнӓг пӓслы



Кӓтит акваг-пӓслысанӓ

Йильпи хаництаптын кол вос пўнсаве

Мән округт вәтахтем тәл Совет старейшин нампа организация рўпиты. Пуңкотнә хөтпаг Александр Михайлович Константинов тот блы, бйка сәв тәл округ мирколт рўпитас.

Ханты-Мансийск үст блнә яныгпәла мәхум тув хансым бләгыт, тән пуссын намың-суиң мәнщи ос ханты хөтпат.

Моц мөблалнув тән округ кўщай нә Н. Комарова ёт хөнтхатыгласыт. Төнт ты тавән ләвсыт, школа әстлам соссә нәврамыт хаництан мәгыс янас Институт округувт вос пўнсаве.

Округ кўщайов та юи-пәлт тамле хүлтнә ләтың хансыс – Сургутский университетт тамле институт рўпитаңкв вос бвылтахты, мән пәвлың мәт блнә мәнщи ос ханты агит-пыгыт сәвсыр рўпатаңк тот вос хаництавет.

Ань ты этпос бвыл хөталәт Сургут үст яныг сапрәни блыс. Тув округ

мирколныл, хаництап департамент колт рўпитан мәхум, сәвсыр миркол кўщайт ёхталасыт. Сапрәнит пуңкотнә хөтпаг Александр Леонидович Сидоров блыс.

Потыртаңкв бвылтахтаманыл порат ты сапрәнит блум хөтпат тәра ләвсыт, ты рўпата хумус бвылтаңкв, ты институт хумус вәруңкв, тән шар ат вәганыл.

Совет старейшин колт кўщай бйка А.М. Константинов ләвыс, ань ты йист школат хаництаптын соссә нәврамыт тўпкамыт, тән халанылт нәмхотьютаныл ёмәшакв хаництаптуңкв ат вәрми.

Экзаменыт блнә порат ЕГЭ хансуңкв ат



Н.В. Савина ос А.Л. Сидоров

вөрмөгыт, таимәгыс бвләт ты нәврамыт мәгыс «дополнительный курс» нампа хаництап вәруңкв эри, хөт этпостем сыс вос хаництавет.

Ханты мир пәлныл тот Аграфена Семёновна Сопочина ос Галина Павловна Лаптева блсбй, тән сас сургутский хантыиг ләвавөг, та ләтңыл потыртәг. Галина Лаптева сәв тәл школат рўпиты, мән нәврамыт ханты ләтңыл хаництыянә.

А.С. Сопочина потыртас, та ёрт блнә ханты нәврамыт элал хаництаптуңкв шар ат кәсәщөгыт, 9 класс әстланэныл юи-пәлт әщаныл-щәняныл палт вөр мән минэгыт, тот элал блуңкв та хультэгыт.

Оманыл-әтяныл бс щәгтэгыт, тән нәвраманыл юв ёхтыс, щәнь ләтңыл потыртаңкв ос пәс блупса щирыл элал блуңкв паты.

Округ мирколт рўпитан нә Надежда Савина ләвыс, ань тамле хүлтнә ләтың кўщай нә Н. Комарова

хасме мәгыс ты рўпата элал тотуңкв эри. Ос кўщайт вос вәгыт – мән пәвлың мәт блнә соссә нәврамыт университетт ат вивет, мөт нәврамыт халт тән экзаменыт эрнә щирыл хансуңкв ат вөрмөгыт.

Тувыл элал тав тит мәнлат ханты хумыг урыл потыртас. Акватә наме Клим Кантеров, тав щәмьятә ёт вөрт блы. Матыр тәрвитың вәрмәльн ярми те, сәвсыр кўщайт палт тав ётә акваг ялантаңкв эри, такви нәматыр эрнә щирыл потыртаңкв ат вөрми.

Мөтанә наме Ефим Тайбин, тав туп 4 класс әстлас, тав бс элал хаництаптуңкв номсы.

Тамле хөтпатн нәтнә мәгыс ты Институт ань ты эри. Ты рўпата хумус элал тотаве, ань нәмхотьют торың ат вәгтә, эрың сөль ты институт пўнсаве, мәнлат мәхум янас тот вос хаництавет.

Валентина ХОЗУМОВА



А.С. Сопочина, И.Н. Озерова, Г.П. Лаптева ос А.М. Константинов

Лүймә сәрипос
(Северная заря)
№ 22 (1304), 23.11.2023
Соучредители
Дума, Правительство
ХМАО – Югры
Издатель
Департамент внутренней
политики
ХМАО – Югры

Редакция
Директор, гл. редактор –
Динисламова С.С.
Телефон (3467) 33-36-82
Заместитель директора –
Кондина Г.Р.
Телефон (3467) 33-22-72
Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52
E-mail: gazeta@khanty-yasang.ru
Газета размещена на сайте
www.khanty-yasang.ru
Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы **04399, 54399**
Тираж **1710** экз.
Заказ **5584**
Цена свободная
Мнение авторов
публикаций не
обязательно отражает
точку зрения редакции.
Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.
Свидетельство
о регистрации
ПИ №ТУ 72-00795
от 23 января 2013 г.

12+

«Рүт мәхум» кол

Хальүст сосса культура элалы тотнэ кұщай нэ Калерия Супрун ёт Хальүст туй порат мён хонтхатыглалсумён, таве ам йильпи ошнэ проектаныл урыл ос рүпатаныл урыл китыгласум:



– Манхурип хонтхатыглапыт мәхманув мәгыс щёпиталэгын? Нән Губернатор грант щирыл рүпитэгын?

– Сосса культура колт мән савсыр хонтхатыглапыт вәрыглэв, мәхманув сәтапыл сагёгыт, юнхатэгыт, тёрныл аканит, нуйныл тучаңсовыт юнтэгыт, агит-пыгыт хаништан мәгыс мәштыр мәхум мастер-классыт вәрыглэгыт.

Касың тал «Хошум хот» («Тёплый дом») хаништап вәрёв. Ты элы-палт тах рётың юсвой этпост мән тамле суссылтап щёпитэв «Юнтуп тўштын нуй тёрыт». Тыи мәгыс мән юнтуп тўштын утыт ос 50 нэ супыт юнтункветанхёв, таимәгыс тэлы лёңхыл мәхманув Хальүсн ёхта-лаңкве вёвианүв, мәньщи ос ханты хотпат.

Ты тал мән Губернатор грант тэла каснэ мат нөх-патсүв, «Рүт Мәхум» («Родственные люди») нампа НКО янытлавес. Ты олн-нётмилыл суп юнтнэ тёр, хорам юнтнэ тёр ос сыресыр хорамыт ёвтсүв.

«Рүт Мәхум» организацияв сосса культура мәгыс проектыт вәрнэ кастыл хансылүв.

Ам мәньщи йиквыт хаништанкве таңхёгум, ос мәньщи латңыл ёмас потыртаңкве, ань туп торгамтёгум. Мён Ирина Фоминична Новьюхова ёт йиквуңкве сас сака эруптымён, сосса мир йиквыт хаништымён.

Ирина Фоминична ёт грант-олн мәгсылнэпакаыт атымён, мәштыр хөтпат ёт потыртахтымён, тән тыг вос ёхталэгыт, тох аквьёт яныг суссылтап ты щёпитэв. Хотьют ат хасы, та мәхманув йиквуңкве хаништыанүв, эргуңкве патэв. Иң акв вәрмалюв, ты пёс йис накыт урыл вәнэ хөтпат ос тыг вёвианүв, тән мәнлат хөтпатн мөйтыт мөйтэгыт, потырт потыртэгыт.

Сосса культура элалы тотнэ колувт Влада Александровна Захарьянц «Ма Мувем» нампа ансамблит рүпиты, тав нъяврамыт ханты эргыт эргуңкве ос йиквыт йик-

вуңкве хаништыанэ. Тав палтэ татем ёмас нъяврамыт ёхталэгыт, мән сосса культурав эруптыяныл, янытлыяныл, тәнанылн мир элы-палт пұмаш ос ёмас эргуңкве ос йиквуңкве.

– Калерия Акрамовна, ты рүпатан ёхтумынт, хомус таве овытаслын?

– Хальүс район мәгыс мән сав эрнэ вәрмалы вәрёв. Сака яныг пұмашипа латың Хальүс район кұщай вәңын хум Сергей Николаевич Титовын ос Хальүс районт оlnэ сосса мир тэланыл тармыл пунк тотнэ нэ Наталья Викторовна Константинован ләвуңкве таңхёгум, тән мәннав аквписыг нётэг.

Ам 2019 талт сосса культура элалы тотнэ

Мувем» нампа ансамблин мисанүв, мәньсакыл турлөпсыт сагсүв, ос нъяврамытн мүйлуптасанув. Вос тән сака хорамыңыг ос нётнэг ольёгыт.

Андрей Иванович Албин ос Людмила Николаевна Новьюхова тән щёвал мәштырласыг. Людмила Николаевна сака нётнэ хурит катыл пёслы, тыи рүпата отдел мәгыс сака эри, район мирколн пища кётсүв, 2021 талт тыи рүпатал майвесүв.

Суссылтап мәгыс сав йильпи пормасыт, тучаңыт, аканит, пальсакыт, турлөпсыт, олнкасыт, энтапыт, сәнсквалгыт, сөвтыт, пёс маснудыт йильпииг щёпитыанүв.

Владимир Иванович



К. Супрун мәхманэ ёт вөртыпал нупыл лүли

отделын рүпитаңкве ёхтысум, культура кол пёс ос сака ащирмаңыг олыс. 2020 талт «Светлячок» нампа нъяврамыт уральтан кол лап-пантвес, нъяврамыт «Кораблик» йильпи колн вәнтлысыт. «Светлячок» колт мән ань тыг мус рүпитэв, колпөх мә сака яныг, кол ёмшакв щёпитаслүв, мүй хөтпат ёхталэгыт, сав ёмас латың культура кол урыл ләвёгыт.

Ты тал «Хошум хот» семинарыт мәштыр хөтпат шулкин сагсыт, сагнэ сәтап ёвтнэ мәгыс олн-нётмил район миркол майлас, тыи шулцит нъяврамыт мәгыс «Ма

Фомин, хунь Хальүс районт кұщайг олыс, тав мә янытыл оlnэ сосса мирыт ялпың хөталыт янытлан кастыл 500 сөтыра солкөви мүйлуптас. Ты олнытыл манекеныт, тэнут ошнэ пөлям төтап ос иснас тёрыт ёвтсүв.

Ам «Югра лылыёп» нампа соссану мир район колт председателиг рүпитэгум, сав мәхум ёт аквписыг хонтхатыглэв, тэлатал үнлуңкве ат кәсащёв, сав вәрмалит оньщёв. Ам та хөтпат, хотьют аквписыг яныг тэла вәруңкв кәсащёгыт, таңхёгыт, тәнаныл сака эруптыянув.

Оксана АЛБИНА